

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju prevazilaženja novonastale situacije izazvane pandemijom i očuvanja radnih mjesta povratnika, te pružanje podrške održivom povratku na prostoru BiH u 2021. godini, Federalno ministarstvo raseljenih osoba i izbjeglica objavljuje

JAVNI POZIV

za refundiranje troškova poreza i doprinosa za uposlene povratnike na području entiteta Republika Srpska

I - PREDMET JAVNOG POZIVA

Predmet javnog poziva je prikupljanje prijave za dodjelu **sredstava poslovnim subjektima i vjerskim zajednicama**, koji djeluju na području entiteta RS, za refundiranje troškova poreza i doprinosa **za uposlene manjinske povratnike**, a u cilju pružanja podrške održivom povratku na prostoru BiH.

II – PRAVO NA UČEŠĆE U PROGRAMU

Pravo na dodjelu sredstava imaju:

(1) Poslovni subjekti i vjerske zajednice:

- a. koji su danom apliciranja registrirani **po važećim zakonskim propisima;**
- b. koji danom apliciranja imaju **najviše tri prijavljena zaposlenika, od čega minimalno jednog iz kategorije manjinskih povratnika.**

- (2) Pravo na dodjelu sredstava imaju poslovni subjekti iz stava (1) ove tačke ako imaju sjedište ili registrovanu poslovnu jedinicu na području entiteta Republika Srpska, odnosno vjerske zajednice koje imaju zvaničnu nadležnost za rad vjerskih ustanova manjinskih povratnika, na području ovog BiH entiteta.**

Dokazi:

- Rješenje o registraciji;
- Dokaz o broju zaposlenih lica: Lista osiguranih lica za obveznika izdata od nadležne Poreske uprave ili drugi relevantni dokument iz kojeg se jasno može utvrditi broj zaposlenika;
- Uvjerenje o ostvarenom povratku.

III – NAMJENA UTROŠKA I MAKSIMALAN IZNOS SREDSTAVA

(1) Nepovratna sredstva će se koristiti za:

- refundaciju troškova uplaćenih poreza i doprinosa za uposlene manjinske povratnike za period do tri mjeseca počevši od 01.01.2021. godine.

(2) Sredstva za namjene iz stava (1) ovog člana će se dodijeliti na slijedeći način:

- I. Jednokratno, subjektima iz člana II, za refundiranje troškova uplaćenih poreza i doprinosa za radnike/manjinske povratnike, ukoliko su dostavljeni svi traženi dokazi iz tačke V ovog javnog poziva, za period od 1 do 3 mjeseca;
- II. **Maksimalan mjesečni iznos troškova koji se refundiraju po jednom uposlenom radniku je 350 KM**, tako da će poslodavci za radnike iz ove kategorije, čija je mjesečna osnovica viša od propisane, imati obavezu snositi troškove za razliku sredstava;

(3) Subjekti koji su ostvarili pomoć, po istom osnovu, u istom periodu (za sva 3 mjeseca), od strane drugih institucija, nemaju pravo učešća u ovom programu.

IV – CILJEVI KOJI SE ŽELE POSTIĆI

Ciljevi koji se žele postići su:

- a) **Ublažavanje negativnih ekonomskih posljedica na male poslovne subjekte i vjerske zajednice koji djeluju u povratničkim sredinama na području entiteta Republika Srpska;**
- b) **Očuvanje postojećih radnih mjesta manjinskih povratnika u RS.**

V – NAČIN PRIJAVE I POTREBNA DOKUMENTACIJA

Kandidat prilikom prijave na Javni poziv dostavlja:

- I. **PRIJAVNI OBRAZAC** (popunjen, potpisan i ovjeren pečatom firme), koji čini sastavni dio ovog Programa i koji se može dobiti u Ministarstvu, na adresi Terezija 56, ili putem web stranice Ministarstva.
- II. **DOKAZI O ISPUNJENOSTI USLOVA ZA UČEŠĆE U PROGRAMU:**
 1. **Rješenje o registraciji ili Aktuelni izvod iz sudskog registra;**
 2. **Uvjerenje/potvrda o poreznoj registraciji** kod Porezne uprave – JIB broj (dostaviti kopiju Uvjerenja/potvrde u 2 primjerka);
 3. **Dokaz** da poslovni subjekt posjeduje **aktivan transakcijski račun** (Ugovor o otvaranju računa ili potvrda sa brojem računa izdata od strane banke ne stariji od 3 mjeseca)
 4. **Potvrda/uvjerenje/izjava o ostvarenom povratku**, za sve uposlene manjinske povratnike (original ili ovjereni kopija), izdato/ovjereni od strane nadležnog organa za općinu povratka, ne starije od 30 dana (Iznimno će se uvažiti i lična izjava vlasnika/povratnika uz potvrdu općine koja nije u mogućnosti izdati Uvjerenja, Izjava i Potvrda općine -original ili ovjereni kopija ne starije od 30 dana);
 5. **Dokaz o broju zaposlenih lica:** Lista osiguranih lica za obveznika izdata od nadležne Poreske uprave ili drugi relevantni dokument iz kojeg se jasno može utvrditi broj zaposlenika.
 6. **Obrazac prijave poreza i doprinosa (Obr.1002)** za mjeseci januar, februar i mart 2021. godine i dokazi o uplatama istih (izvodi ili uplatnice);
 7. **Izjava o korištenju/nekorištenju sredstava pomoći** od strane drugih institucija po istom osnovu, u istom periodu (Izjavu na obrascu Ministarstva potpisuje i ovjerava ovlaštena osoba).

VI - NAČIN IZBORA KORISNIKA

Izbor korisnika po osnovu ovog javnog poziva vršit će komisija koju imenuje Federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva.

VII - NAČIN PODNOŠENJA PRIJAVA NA JAVNI POZIV

Dostavljanjem prijava na Javni poziv zajedno sa dokazima o ispunjenosti uslova za učešće u programu, preporučeno poštom ili lično, na adresu:

Federalno ministarstvo raseljenih osoba i izbjeglica, Ul. Hamdije Čemerlića br.2 , 71000 Sarajevo, sa naznakom:

“Prijava na Javni poziv za refundiranje poreza i doprinosa za povratnike u RS u 2021. godini”

(Na poledini koverta navesti ime i prezime podnosioca i tačnu adresu).

Javni poziv ostaje otvoren 30 dana od dana objavljivanja.

Dodatne informacije mogu se dobiti na tel: 033/218-266.

Konačna rang lista, po ovom Javnom pozivu će biti objavljena na web stranici Federalnog ministarstva raseljenih osoba i izbjeglica, a obavijest o donošenju iste u dnevnim novinama u kojima je objavljen i ovaj Javni poziv.

Broj: 03-32-3-73-1/21
Sarajevo: 15.04.2021. godine

MINISTAR
dr. sci. Edin Ramić